

# **Cyngor Cymuned Llanystumdwy**

Rhaglen waith y Cyngor a'r Cyfarfod Blynyddol - nos Iau, 2ail o Fai, 2019 yn brydlon am 7:00 y.h. yn **Neuadd Llanystumdwy**

## **Cyfarfod Blynyddol**

1. Croeso gan y Cadeirydd ac ymddiheuriadau.
2. Cyflwyno a chadarnhau cofnodion cyfarfod blynyddol 3ydd o Fai, 2018.
3. Materion yn codi o'r cofnodion.
4. Adroddiad ar waith y flwyddyn rhwng 1af o Ebrill, 2018 i'r 31ain o Fawrth, 2019 gan y Cadeirydd.
5. Adroddiad Ariannol am y flwyddyn 1af o Ebrill, 2018 i'r 31ain o Fawrth, 2019 gan y Clerc a'r Swyddog Ariannol Cyfrifol. Derbyn y cyfrifon am y flwyddyn.
6. Cyfle i'r trethdalwyr ofyn cwestiynau.
7. Ethol swyddogion am y flwyddyn 1af Ebrill, 2019 i 31ain o Fawrth, 2020:
  - a) Cadeirydd/llofnodi datgan derbyn swydd.
  - b) Is gadeirydd/llofnodi datgan derbyn swydd.
  - c) Ysgrifennydd a Swyddog Ariannol Cyfrifol.
  - ch) Elusen William Ellis, Llanystumdwy, - Cynghorwyr Ward Llanystumdwy.
8. Cadarnhau aelodaeth pwyllgorau'r Cyngor
9. Dewis cynrychiolydd i:-  
Bwyllgor Rhanbarth Un Llais Cymru  
Grwp Mynediad Dwyfor
9. Llofnodi Datganiad Derbyn Swydd Cadeirydd ac Is-gadeirydd

## **Cyfarfod arferol y Cyngor**

1. Ymddiheuriadau.
2. Cyflwyno a chadarnhau cofnodion cyfarfod y Cyngor gynhaliwyd ar 4ydd o Ebrill 2019.
3. Llofnodi cadarnhâd taliadau BACS mis Ebrill 2019 gan y Cadeirydd.
4. Materion yn codi o'r cofnodion.  
Ar y rhaglen.
5. Datgan buddiant personol.
6. Cyngor Gwynedd.

**Dyfodol Amgueddfa Lloyd George**- e-bost wedi ei dderbyn gan Nest Thomas, Prif Swyddog Amgueddfeydd a'r Celfyddydau, Cyngor Gwynedd. Eisiau i'r Cyngor Cymuned enwebu rhywun i gymryd rhan yn ei cynllun i ddarganfod gweledigaeth a model llywodraethol priodol ar gyfer dyfodol Amgueddfa Lloyd George.

Fel rhan o'i prosiect a gyllidir gan Gronfa Dreftadaeth y Loteri maent wedi penodi Kevin Mason & Associates fel yr ymgynghorwyr i ymgymryd â'r gwaith yma. Maent yn estyn gwahoddiad i chi fod yn rhan o'r ymgynghoriad gyda rhanddeiliaid ac i enwebu rhywun ar eich rhan.

Mae Kevin Mason, Jonathan Durnin a Hywel Evans wedi cael ei comisiynu i ystyried y gwahanol opsiynau i ddyfodol yr Amgueddfa, fel sail i gynllunio a datblygu manwl yn y dyfodol. Maent eisiau cyfle i drafod barn y Cyngor Cymuned ar yr opsiynau posib i'r Amgueddfa, yn arbennig o fewn cyd-destun yr ardal a'r datblygiadau eraill sydd ar y gweill. Maent eisiau dod i gyfarfod cyn 17.05.19 os yn bosibl. Y Clerc wedi ceisio cysylltu hefo Ms Nest Thomas, ond nid oedd ar gael, - gobeithio cael ateb cyn y cyfarfod.

## 7. Cyngor Gwynedd - ceisiadau cynllunio yn y gymuned-dim

8. Lwfansau Cynghorydd rhwng 1af o Ebrill 2019 - 31ain o Fawrth 2020, - angen i bob Cynghorydd lofnodi'r ffurflen os am gymryd neu wrthod y lwfans.

## 9. Materion yn y gymuned.

### Llanarmon

### Llanystumdwy

**Mainc** ar y llwybr o Lanystumdwy i Gricieth ger Lodge Ynysgain.

Y Clerc wedi trefnu cyfarfod safle ar 10fed o Ebrill 2019, rhwng Mr David Merfyn Griffith, Archwiliwr Gwaith Gofal a Stryd Dwyfor, a dau gontractwr, sef Mr Dafydd Atkins, Mr Dafydd E. Williams. Methodd Mr Dave Smith, o'r Ymddiriedolaeth Genedlaethol fod yn bresennol er ei fod wedi bwriadu bod yno. Cytunwyd ar y gwaith oedd ei angen, ac fe wnaeth y ddau gontractwr gadarnhau na fyddent angen rheolaeth traffig ychwanegol gan Cyngor Gwynedd.

Mae'r Clerc wedi derbyn un pris, ond yn disgwyl pris gan Mr Dafydd E. Williams, a Cybi Cyf., gan obeithio y byddent ar gael erbyn y cyfarfod.

**Angen gwneud penderfyniad ar y noson, pa gontractwr i'w ddefnyddio.**

Yna gellir trefnu i ddechrau'r gwaith, ac yna archebu'r ddwy fainc isod (y llall i Chwilog):-

Mainc ddur, fel ag y cytunwyd yn ein cyfarfod diwethaf, gan gwmni David Ogilvy Engineering, sef mainc Anti-Vandal KC mewn lliw du.

1800 mm mewn hyd yn £693.00 + TAW (5.9" a 10 modfedd)

'Bolt down kit to secure bench to a hard standing' - £9.50 + TAW

Pris ar gyfer danfon dwy fainc yw:- £190.00 + TAW

Dyma yw'r disgrifiad am y fainc:-

*"we manufacture all from steel, hot dip galvanize for weather and corrosion protection, then wet paint in our 2-pack acrylic paint system in your colour of choice. They are virtually vandal proof, maintenance free and come with our 25-year guarantee. All our products are CE and ISO 9001 certified".*

Y Clerc wedi derbyn 2 dystysgrif S115 yn rhoi caniatâd i osod y ddwy o Cyngor Gwynedd.

**Wal maes parcio Llanystumdwy wedi dymchwel** –ymholiadau wedi cael ei gwneud gan aelodau o'r cyhoedd ynglyn â pham nad oedd y wal wedi cael ei thrwsio. Y Cyngorydd Aled Evans eisioes wedi cysylltu hefo Cartrefi Cymunedol Gwynedd, ac roeddent wedi cadarnhau ei bod wedi cyfeirio'r mater ymlaen i'r Adran Rheoli Tir. Y Clerc hefyd wedi anfon llythyr atynt i dynnu sylw at y mater, a'r ffaith ei bod wedi dymchwel ers peth amser, ac angen ei thrwsio. **Y wal wedi cael ei thrwsio erbyn hyn.**

- Rhoslan /Ynys

Pont Rhydybenllig-ymholiad yn hysbysu'r Clerc fod rhywun/rhywbeth wedi mynd i fewn i bont Rhydybenllig, o ochr Hen Felin, a fod y wal wedi dymchwel i fewn i'r cae. Y Clerc wedi cysylltu â Chyngor Gwynedd yn syth, ond yn dal i ddisgwyl ymateb.

### Chwilog

- Mainc newydd yng nghanol Chwilog. Mae'r Clerc wedi cysylltu hefo gwmni David Ogilvy Engineering, ac mae wedi cadarnhau fod sylfaen 'tar' yn ddigonol ar gyfer y fainc, ac mai dim ond "resin fixing" fydd ei angen i osod y 'bolts' yn ei lle. Felly, bydd angen gofyn wrth y contractor i osod y fainc yma yn ei lle'n saff hefyd.
- **Bin baw cwn** - cais i gael bin yng ngheg Lon y Fynwent. Bagiau baw cwn yn cael ei rhoi ym miniau'r fynwent sy'n peri gofid a nid oes bin baw cwn arall yn ymyl. Y Clerc wedi anfon llythyr i Cyngor Gwynedd, ac wedi trafod y mater hefo Mr Alan Hughes, Warden Gorfodaeth Stryd. Roedd yn dweud fod eu cyllid ar gyfer gwasanaethu biniau baw ci wedi cael ei wario ac felly byddai'n rhaid i bob cais gael ei gysidro'n ofalus cyn ei cyfiawnhau. Fe wnaeth holi tybed a fyddai'r Cyngor Cymuned yn fodlon talu i'w wasanaethu, sef tua £3.50 i'w wagio bob tro? Y Clerc wedi cysylltu eto, i ofyn am gadarnhad os oeddent am osod ac thalu am y bin, ac y byddai'r Cyngor Cymuned wedyn yn barod i ystyried talu am wagio'r bin fel bo angen. Ni dderbyniwyd ateb eto, ond gobeithio cael ateb cyn y cyfarfod.

Swyddfa Bost - y Clerc wedi ysgrifennu atynt yn holi pam fod y swyddfa bost ar gau ambell ddiwrnod, ac wedi cau am wythnos un tro. Nodwyd fod hyn yn creu cryn anhwylostod i'r cyhoedd, sydd yn dibynnu ar y gwasanaeth yn y pentref.

Derbyniwyd ymateb gan y Ganolfan Gyswllt Swyddfa Bost, yn dweud ei bod wedi codi ein pryderon gyda'r Postfeistr. Dywedodd y Postfeistr nad yw'r "gwasanaeth wedi gallu ymweld â'ch ardal oherwydd prinder gweithwyr. Mae wedi fy sicrhau fod yn ymchwilio i'r mater a bydd yn cyflogi gweithiwr yn y dyfodol agos.

Rydym yn ymwybodol o'r pwysigrwydd sydd gan Swyddfa'r Post i'n cwsmeriaid. Hoffwn eich sicrhau ein bod yn parhau i fod yn ymrwymedig bod gwasanaethau hanfodol yn parhau i fod ar gael i gwsmeriaid yn eich cymuned.

Diolch am gymryd yr amser i ddod â'r mater pwysig hwn i'n sylw a derbyniwch ein hymddiheuriadau diffuant am unrhyw anghyfleustra neu rwystredigaeth a achoswyd".

### **Llwybr troed o Chwilog i Afon Wen**

Clerc wedi derbyn dau ymholiad ynglyn â chael llwybr troed rhwng 'Ocean Heights', Chwilog i Afon Wen. Roedd yn dweud byddai palmant o Ocean Heights i Afon Wen (mae eisoes balmant hyd at Ocean Heights) yn cysylltu y pentref gyda threfi Cricieth a Phwllheli a rhoi milltiroedd maith o lwybr cerdded / rhedeg neu feicio diogel i

breswylwyr y pentref a hybu gweithgaredd actif a chadw'n iach a heini. Dywedwyd fod nifer o rieni eraill yn y pentref o'r un farn, ac y byddai'n fodlon trefnu i gasglu enwau petai hynny o gymorth. **Angen penderfyniad.**

### **Pont Rhydycroesau, ger Plas Talhenbont**

Y Clerc wedi derbyn dau ymholiad gan drethdalwyr, yn son fod y bont wedi cael ei tharo gan lori fawr 'artic', a oedd yn mynd i Talhenbont. Gwelwyd lori arall debyg wedyn yn methu pasio dros y bont, a oedd eto'n mynd i Talhenbont, ond yn methu troi i fyny'r allt oherwydd fod y lon yn gul ac anaddas i gerbydau o'r fath. Mae arwydd ger Lodge Gwynfryn yn barod, yn dweud nad yw'r lon yn addas i loriau. Mae coeden fawr hefyd bron a syrthio ar draws y lon - ar yr allt o'r bont i gyfeiriad Llanystumdwy. Y Clerc am anfon llythyr a lluniau i Cyngor Gwynedd.

### **Pencaenewydd/Sardis**

Y lon rhwng Drofa, at Tan Llyn, Pencaenewydd, - cwynion wedi cael ei derbyn yn dweud fod yna nifer o goed peryglus ar hyd y lon, a bod un goeden wedi torri, ond heb ddisgyn eto.

Dywedwyd hefyd fod llawer o 'fwd' ar hyd ochrau'r lon yma, a gofynnwyd i'r Clerc wneud ymholiadau i drefnu glanhau'r lon. **Y Clerc wedi derbyn ateb gan yr Adran Gwasanaeth Trafnidiaeth a Gwaith Stryd yn dweud fod mater y coed wedi ei gyfeirio eisoes iddynt, er ystyried gweithredu camau pellach. Hefyd ei bod yn "edrych ar gyflwr wyneb y lôn yn y man yn nhrefn yr archwiliadau diogelwch".**

### **Llangybi**

- Llwybrau Pont Merchaid a Garn Pentyrch - Clerc wedi derbyn e-bost gan Mr Dewi Owen, Uwch Swyddog Hawliau Tramwy, i ddweud fod y gwaith torri coed ac ati wedi ei gwblhau rwan. Roedd hefyd angen gwneud ymholiadau hefo Ymddiriedolaeth Archaeolegol Gwynedd i weld os mai nhw yntau Cyngor Gwynedd sydd yn gyfrifol am drwsio'r gamfa ger y ffynnon.
- *Bydd Cyngor Gwynedd wedyn yn mynd ati i godi arwydd pyst bach i ddangos rhediad y llwybr a thrwsio manion eraill ar ei hyd.*
- Twll drwg yn y ffordd ger Fron Sinai - mae'n bosib mai cyfrifoldeb Dwr Cymru ydyw.
- Gwastraff yn colli o loriau ail-gylchu - yn enwedig ar y ffyrdd mwyaf gwledig.
- Oedi hir neu neb yn ateb y ffon yng Nghanolfan Iechyd Cricieth ar rai adegau.
- Taflen hysbysu rali geir Treialon Tri Chastell - cais i'w rhoi ar hysbysfwrdd y Cyngor

### **Materion Ariannol**

10. Adroddiad Ariannol gan y Clerc a'r Swyddog Ariannol Cyfrifol.

Derbyn taliad cyntaf y praesept gan Gyngor Gwynedd, £7,500.00.

### **Cronfa Gymunedol Lightsource BP**

Y Clerc wedi derbyn llythyr ganddynt yn holi sut roedd yr arian yn cael ei ddefnyddio o fewn y gymuned. Anfonwyd llythyr atynt yn rhestru'r gwahanol fudiadau/achosion lleol sydd wedi derbyn arian o'r gronfa, gan ddiolch iddynt am anfon yr arian i'r Cyngor.

11. Gwaith ar y llwybrau, Ebrill 2019 ymlaen: trafod prisiau sydd wedi cyrraedd.

- a. Llwybr swyddogol o Ffynnon Cybi i ben Garn Bentyrch, un toriad.
  - b. Llwybr dan bont y rheilffordd i'r traeth yn Afonwen, dau doriad.
  - c. Llwybr heibio Ynysgain Bach hyd at bont y rheilffordd, dau doriad.
  - ch. Llwybr o'r ffordd fawr i fyny at fythynnod Tŷ Newydd, dau doriad.
  - d. Llwybr Clawdd Llanw o Bontfechan dros y rheilffordd am Ty'n Morfa, dau doriad.
  - dd. Ceg y llwybr ar hen ffordd Abercin, ochr y pentref i'r ffordd osgoi.
- e. Cadw safle bedd D Lloyd George yn daclus yn ystod y tymor, (wedi gofyn am bris gan Mr Gareth Jones, Caeathro).
- f. Cytundeb torri Cae Chwarae Llanybi (*cytundeb wedi ei wneud llynedd am 3 mlynedd o 2018*).

Llwybrau rhwng rhwng 'a - dd'-y Clerc wedi anfon llythyr at y contractwyr isod, ac i ofyn wrthynt gynnig pris am wneud y gwahanol lwybrau am y flwyddyn, a phris arwahan ar gyfer gwneud contract am 3 mlynedd, ac i gynnwys ei tsysgrif yswiriant cyfredol i wneud y math yma o waith.

Atkins Groundworks Ltd., Llanarmon;  
Mr Clifford Hughes, Llanybi;  
Criccieth Cleaning Ltd., Cricieth;  
Trefn, Llanystumdwy;  
Mr Emyr Jones, Glanfa, Llanybi,  
Mr D.E. Williams, Encil y Coed, Llithfaen.

**O Ddrws i Drws**

Cais am roi arian tuag at y cynllun i ddanfôn pobl i'r feddygfa leol. Petai O Ddrws i Ddrws yn derbyn swm o £500 gan y Cyngor, am flwyddyn gyfan, bydden nhw wedyn yn gallu cludo pobl i'r feddygfa. Bydden nhw wedyn yn gofyn i'r teithiwr am, tua £2 y pen. Yn ystod y flwyddyn beilot byddent yn cadw cofnod o rif y defnyddwyr, unrhyw broblemau, neu unrhyw beth allent ei wneud yn well. Byddent hefyd yn gwybod erbyn diwedd y flwyddyn, faint yw cost gwirioneddol gwneud hyn - gallai fod yn llai neu'n fwy.

Byddai pobl yn ffonio O Ddrws i Ddrws (gan roi 24 awr o rybudd os yn bosib) a byddai O Ddrws i Ddrws yn eu danfôn a dod a nhw adre. **Y Clerc wedi sgwennu atynt i ddweud ein bod yn cytuno i gyfrannu £500.00 tuag at y gost, am flwyddyn, a gofyn tybed a fyddai'n bosib cludo defnyddwyr i Ysbyty Bryn Beryl neu Ysbyty Alltwen, pebyddai galw am hynny. Gobeithio derbyn ymateb erbyn y cyfarfod.**

**Wifi Cymdeithas Adloniant Pencaenewydd**

Ymholiad gan y Trysorydd yn gofyn a fyddem yn fodlon talu iddynt bob 6 mis yn hytrach na unwaith y flwyddyn, sef ym mis Chwefror? Angen penderfyniad.

**Archwiliad Mewnol Cyfrifon 2018-19** – y Clerc wedi cysylltu hefo Ms Luned Fón Jones, Rheolwr Archwilio, Cyngor Gwynedd i'w hysbysu y bydd y cyfrifon a'r dogfennau perthnasol yn barod ar gyfer cael ei archwilio ar ol ein cyfarfod blynyddol.

**01.04.19** - derbyniwyd gohebiaeth oddi wrth NALC drwy Un Llais Cymru+ SLCC/ALCC ar 7.12.18, yn dweud fod Cyflog y Clerc a'r Swyddog Ariannol Cyfrifol o Ebrill 1af, 2019 ymlaen yn symud i fyny ar y raddfa cyflog. Mae cyflog y Clerc yn ol y cytundeb cyflogaeth yn datgan:-

## 1. Cyflog

- 1.1 "Mae eich cyflog yn unol â phwynt cyflog NJC ar gyfer clercod rhan amser sef ar raddfa LC1 – SCP 18-22.
- 1.2 Ar yr amod fod eich perfformiad yn foddhaol, byddwch yn symud yn awtomatig drwy'r raddfa gyflog trwy godiadau blynyddol hyd nes ichi gyrraedd uchafbwynt y raddfa. Bydd eich codiad cyflog cyntaf yn daladwy ar 1 Ebrill 2019 ac wedi hynny ar 1af Ebrill bob blwyddyn hyd nes ichi gyrraedd uchafbwynt y raddfa. Gall y Cyngor ddal codiad cyflog yn ôl os bernir fod eich perfformiad yn is na'r disgwyl, yn dilyn adolygiad blynyddol."

Felly, ers 01.10.18 mae'r Clerc wedi derbyn cyflog ar sail pwynt 18 o'r raddfa cyflog SCP, a oedd yn **£9.808** yr awr. Os yw ei pherfformiad yn foddhaol, gellir symud yn awtomatig drwy'r raddfa codiad cyflog o'r 01.04.19 ymlaen, ar sail pwynt 19 o'r raddfa cenedlaethol SCP, sydd yn **£10.37 yr awr**. Felly mae hyn yn **£10.37 yr awr x 35 awr y mis x 12 mis = £4355.40**.

I gymhlethu pethau, maent wedi newid y rhifau sydd ar y raddfa cyflog o ddechrau Ebrill 2019, oherwydd y 'cyflogau byw cenedlaethol', ("national living wage"), Felly bydd cyflog y Clerc yn cychwyn ar rif 7 - 12, yn lle 18 - 22 o'r 01.04.19, a'r pwynt cyflog newydd fydd 8. Angen cytuno os yw hyn yn foddhaol.

## 12. Anfonebau angen eu talu:

Enw	Rheswm	Pris £	TAW £	Cyfanswm £	Taliad BACS
ICO 'Information Commissioner's Office'	Cofrestru hefo'r Swyddfa'r Comisiynydd Gwybodaeth-Diogelu Data	40.00	0.00	40.00 <b>Cyfeirnod:</b> 005fd485020c <b>Cyfeirnod:</b> ZA392520	BACS/neu maent wedi anfon ffurflen debyd uniongyrchol
Neuadd Chwilog	Wifi (cynnwys costau gosod o £9.99 a mis Mai £29.99 (cael ei osod yn Chwilog 30.04.19-contract 18mis)	39.98	-	39.98	BACS Cyfrif budd cymunedol
Zurich Cwmni Yswiriant	Yswiriant y Cyngor rhwng 01.06.2019-31.05.2020 (cytundeb 5 mlynedd)	717.93		717.93 (Anfoneb rhif 37362404)	BACS

Cyflog mis Ebrill 2019 y Clerc i'w rannu rhwng y Clerc a Chyllid a Thollau EM

<b>Enw/Rheswm</b>	<b>Swm</b> £	<b>Cyfanswm Taliad net</b> £	<b>Taliad siec rhif:-</b>
Cyflog sylfaenol y Clerc, Ebrill 2019 35 awr x £10.37 =	362.95-llai treth £72.40	<b><u>290.55</u></b>	101121
Cyllid a Thollau EM Treth ar enillion y Clerc Ebrill 2019	362.00 x 20% = £72.40	<b><u>72.40</u></b>	101122
Costau'r Clerc Ebrill 2019	£22.91	<b><u>22.91</u></b>	101123

It is possible to get an English translation, please contact the Clerk